

შინაური საქმეები

№ 28.

ოთხშაბათი, ოქტომბერი 13, 1910 წ.

ცალკე ნომერი ღირს 5 კაპიკათ.

ადრესი: ქუთაისი „შინაური საქმეების“ რედაქცია.

ყოველკვირეული გაზეთი.

შინაური 1, ქეშმარიტი გზა—მღვდ. ი. ლუკიანოვისა. 2, ყ-დ. სამღვდლო ლეონიდეს მოგზაურობა გურიაში—№. 3, ის მაინც ეზიარა!—მღ. დ. ლოსაბერიძისა. 4, ჟურნალ-გაზეთებიდან. 5, მისაბაძავი მაგალითი—ტ. ჯ. 6, კარგი შთაბეჭდილება—კ. წუთისოფლისა. 7, ვაი ჩვენ სირცხვილს!—ხელისა. 8, მცირე შენიშვნა, საღვთო სჯულის სწავლის შესახებ პირველდაწყებით სკოლებში.

რედაქციისაგან

ვისაც ამ წლის მეორე ნახევრის გაზეთის ფასი არ შემოუტანია, უნდა გამოგზავნოს ერთი მანეთი უამისოთ გაზეთი არ გაეგზავნება. ხოლო ვისაც მეტი აქვს შემოტანილი, მომავალი წლის გაზეთის ფასში ჩათვლება.

ყოველკვირეულ გაზეთ

„შინაური საქმეები“

ხელის მოწერა მიიღება რედაქციაში, ქ. ქუთაისში (საბურთალო—ქაჯაგის შესახვევში № 17) და თფილისში გამომცემელთან სომხის ბაზარში, სიმონიანცის უბნის მაღაზიაში.

წლიური ფასი 4 მან. ნახ. წლით 2 მ. და 50 კ.

გაზეთი ღებულთს დასაბუჯად და ყოველგვარ განცხადებებს.

ქეშმარიტი გზა

გაგრძელება¹⁾

II.

ეკლესია, როგორც მცველი ქრისტეს ქეშმარიტებისა.

„სხვაგან არ უნდა ვეძებდეთ ქეშმარიტებას, რომელიც ადვილად საპოვნელია ეკლესიაში. მასში, როგორც მდიდარ საღაროში, მოციქულებმა შეინახეს ყოველივე ის, რაც ქეშმარიტებას ეკუთვნის; ასე რომ თვითეულ მსურველს შეუძლია მიიღოს მისგან სასემელი ცხოვრებისა. იგი არის კარი ცხოვრებისა.“ (წმ. ირინე).

როგორც ჩვენ სხეულში შეიძლება მკვდარი ასოები, რომელნიც სხეულის

¹⁾ იხ. შინ. საქ. № 27.



სიცოცხლეში არ იღებენ მონაწილეობას, არ შედიან მის სიხარულის, თუ ტანჯვის, მდგომარეობაში, — ეგრეთვე ეკლესიის სხეულშიაც შეიძლება იყვნენ მკვდარი წევრები, ესე იგი, მოკლებულნი სულის წმიდის ზიარებას. ეს არიან ის წევრები, რომელთაც არა აქვს სული სიყვარულისა და ერთობისა. როგორც ჩვენ სხეულში მკვდარი ასო არაფერს არ წარმოადგენს, გარდა მხოლოდ ფორმისა, და სხეულის სიცოცხლეში მონაწილეობას არ იღებს, — ეგრეთვე ყოველი ადამიანი, ეკლესიიდან გამოყოფილი და სულის წმინდის ზიარებას მოკლებული, არის მკვდარი წევრი, თუნდაც ცოცხალი იყვეს იგი. „ეძებ იმასთან საიდუმლოს — ჰპოვებ; ეძებ ნათლისღებას; ეძებ სიმბოლოს — ჰპოვებ. მაგრამ ყოველივე ეს ფორმაა. თუ შეგნით სული არ არას, მაშ ტყუილად კვებულობ ფორმას.“ (ავგუსტინე — 26, 2). ეს, რაც ეკლესიიდან გამდგარ წევრებს აკლიათ სული შინაგანი, — არის სული ერთობისა და სიყვარულისა, რომელიც მოფენილია სვენ ზედა სულის წმიდის მიერ (რომ. v, 5). ის არის ნამდვილი წევრი ეკლესიისა, რომელსაც აქვს სიყვარული და მისწრაფება ერთობისაკენ, იმიტომ რომ იგი იმყოფება ზიარად მთელი ეკლესიის სხეულის სულთან, და სულთან წმიდასთან, და ამითი ხდება იგი ზიარ ეკლესიიდან გარდამომავალი მადლისა.

თუ როგორ ხდება მორწმუნე სახარების სიყვარულის მიერ ეკლესიის სხეულის განუყრელ წევრად, რომელიც სულის წმინდის ძალით სცოვრობს, და როგორ ხდება იგი ამითი ზიარ მისი მადლიანი ნიჭისა, — ამას მშვენივრათ ხსნის ეკლესიის მოძღვარი — ნეტარი ავგუსტინე. „თუ რომ ეხლა, — ამბობს იგი, ქრისტეს მორწმუნე ვერა ლაპარაკობს ყველა ხალხების ენებზე, — განა ამითი უნდა ვიფიქროთ, რომ იმას არ მიუღია სული წმიდა? — ჩვენ ვიცით, რომ ყოველი მონათლული მიიღებს სული წმიდას, მაგრამ ვერა ლაპარაკობს სხვა და სხვა ენებზე იმიტომ, რომ თვით ეკლესია ლაპარაკობს ყველა ხალხების ენებზე. ეხლა მთელ ქვეყანაზე გაქრცელებული ეკლესია ლაპარაკობს სხვა და სხვა ენით, იგი არის ქრისტეს

სხეული; ჩვენ წევრები ვართ ამ სხეულში. და რადგანაც შენც ხარ წევრი იმ სხეულისა, რომელიც ყველა ენებზე ლაპარაკობს, დარწმუნდი, რომ შენც ლაპარაკობ ყველა ენებზე. ერთიანობა წევრებისა შეკრულია სიყვარულით. და ეს ერთიანობა ლაპარაკობს ეხლა ისე, როგორც ლაპარაკობდა მაშინ ერთი კაცი. მაშასადამე, ჩვენ ვღებულობთ სული წმიდას, უკეთუ გვეყვარება ეკლესია, და შეკავშირებული ვიქნებით სიყვარულით... გვრწამდეს, ძმანო, რომ რამდენათაც ვინმეს ეყვარება ქრისტეს ეკლესია, იმდენად ხდება იგი თანაზიარ სული წმინდის მაცხოვრებელი მადლისა... თუ შენ გიყვარს ერთიანობა ეკლესიისა, მაშინ რაც რამე სხვას აქვს შენი იქნება. განაგდე სიძულვილი, და შენი იქნება ის, რაც მე მაქვს. განაგდე სიძულვილს, და ჩემი იქნება ის, რაც შენ მაქვს.“ (Трактатъ на Еванг. отъ Иоан.—XXXII, 7—8). „გვაქვს ჩვენ სული წმინდა, უკეთუ გვიყვარს ეკლესია. გვიყვარს, უკეთუ ვიმყოფებით მის კავშირში და სიყვარულში.“ (იქვე). როგორც ხალხის კავშირს ანუ ხალხის საზოგადოებას, ეკლესიას შეუძლიან არსებობა მხოლოდ მაშინ თუ მისი წევრები ერთდებიან ანუ კავშირდებიან არა მხოლოდ შინაგანი დისციპლინის ერთიანობით, ესე იგი, ერთის სარწმუნოებით, წოდებით და სასოებით, — ამაზედ გარეგანიითაც, ესე იგი აქ უნდა იყვეს გარეგნული წესიერებაც, თავისი მართველობა, თავისი წყობილება, თავისი მოწესენი, წევრებთა შორის მორჩილება. ასეთ წესიერების საჭიროებაზე, და რომ იგი თითო ღვთისაგან არის დაფუძნებული, ამბობს ბავლე მოციქული: „და რომელნიმე დაადგინა ღმერთმან ეკლესიათა, პირველად მოციქულნი, მეორედ წინასწარმეტყველნი, მესამედ მოძღვარნი... ნუ ყოველნი მოციქულ იყვნენ? ნუ ყოველნი წინასწარმეტყველნი? ნუ ყოველნი მოძღვარნი? • ნუ ყოველნი ძალნი?“. (1 კორ. 12, 28—29). შემდეგ ეკლესიას მოციქული ადარებს კაცის სხეულს, ერთიანად უწოდებს მას ქრისტეს სხეულად, ხოლო ცალ-ცალკე მორწმუნეებს — ამ სხეულის წევრებად, დასაზტკიცებლად ერთმანეთის დამორჩილე-

ბისა, იგი ამბობს: „და რამეთუ გვაში იგი არა არს ერთ ასო, არამედ მრავალ. უკეთესუ სთქვას ფერხმან, ვინაიდგან არა ვარ ხელ, არა ვარ მის გვამისაგან; ნუ თუ ამისთვის მართლა არ არის მის გვამისაგან? ანუ თუ სთქვას ყურმან, რამეთუ არა ვარ თვალ, არა ვარ მის გვამისაგანი, ნუ ამისთვის არა არსა მის გვამისაგანი? უკეთესუ ყოველი გვაში თვალ იყოს, სადა არს სასმენელნი? უკეთესუ ყოველი სასმემელ იყოს, სადა არიან საყნოსელნი? აწ ესერა ღმერთმან დაჰსხნა ასონი იგი თვითეულად გვამსა მას შინა, ვითარცა ინება. ხოლო უკეთესუ იყო ყოველი ერთ-ასო, სადამცა იყო გვაში იგი? ხოლო აწ მრავალ არს ასოები, და ერთ გვაში. ხოლო ვერ ხელეწიფების თვალსა, ვითარცა პრქვა ხელსა: არა მიხმ შენ; ანუ კვალად თავსა და ფერხთა, ვითარმედ არა მიხმ შენ; ანუ კვალად თავსა და ფერხთა, ვითარმედ არა მიხმთ თქვენ. არამედ უფროსელა უმეტეს, რომელი იგი საგონებელ არს ასო გვამისა მის უუძლურესად, იგი უსახმარეს არს... არამედ ღმერთმან შეჰხავა გვაში იგი, და ნაკლულსა მას უმეტესი მისცა პატივი, რათა არა იყოს წვალება ხორცთა მათ შინა, არამედ მასვე ერთი ერთისათვის ზრუნვიდენ ასონი იგი“ (ა. კორინთ. 12, 14—22, 24—25).

საქიროება ეკლესიის გარეგნული წესწყობილებისა გამოწვეულია ეკლესიის თვით მორწმუნეთა წევრების სიკეთით, რათა მათ უფრო აღვილად და ნამდვილად მიახწიონ თავის მაღალი წოდების მზანს, რათა ფართოდ და სრულად განახორციელონ სახარების ცხოვრების იდეალი. „იმან (ესე იგი, უფალმან),—სწერს იგივე მოციქული,—მოსცნა, რომელიმე მოციქულნი, რომელნიმე წინასწარმეტყველნი, რომელნიმე მახარებელნი, რომელნიმე მწყვესნი და მოძღვარნი“... რისთვის?, თითქოს კითხულობს მოციქული; და პასუხად ამ საგულისხმო კითხვაზე განაგრძობს: „დასამტკიცებლად წმიდათა, საქმედ მსახურებისა, აღსაშენებლად გვამისა ქრისტესისა; ვიდრემდე მივიწინეთ ყოველნი ერთობასა სარწმუნოებისასა და მეცნიერებასა ძისა ღვთისასა, მაშა-კაცად სრულად, საზომად პასაჟისა სავსებისა მის

ქრისტესისა; რათა არღარა ვიყვნეთ ყრმა ჩვილ, დღეღვა—აღტეხილ და მიმოტაცებულ ყოველსა მას ქარსა მოძღვრებისასა, სივერაგითა კაცთათა და ზაკვალებითა მანქანებისა მის მიმართ საცთურებისა; არამედ ქეშმარიტ-ვიყვნეთ სიყვარულსა ზედა და აღვარძინებდეთ მისა მიმართ ყოველსა, რომელ არს თავ მისა ქრისტე, რომლისაგან ყოველი გვაში, შენაწევრებულ და შემტკიცებულ არს ყოველითა შეახლებითა უხვებისათა შეწვევისამებრ საზომისა თვითეულისა ასოასა, სიორძილსა მას გვამისასა ჰყოფდით აღსაშენებლად თვისა თქვენისასიყვარულით“ (ეფეს. 4, 11—16). მოციქულის ამ სიტყვებში არის ნათქვამი, ერთის მხრივ ის, რომ თვით უფალმა განაწესა გარეგანი—ადმინისტრაციული წესი ეკლესიისა, ეკლესიის მართელობის და დისციპლინისა;—მეორეს მხრივ,—ნაჩვენებია მიზანი ასეთ დაწესებულებათა, სახელდობრ, რომ ჩვენ ბავშვებივით არ გავყვეთ ყოველგვარ კაცის მოძღვრებას, რომელსაც უნდა ვერაგულად შეგვაცდუნოს, არამედ მივწვდეთ იმას, „რომელიც არის თავი ქრისტე“, რათა უფრო დაუბრკოლებლად განვახორციელოთ იდეალი ქრისტიანობრივი სისრულისა და შევიძინოთ ცხოვნება. ეს შესაძლებელია მხოლოდ ეკლესიაში, იმიტომ რომ იგი არის სხეული ქრისტესი, და თავი მისი ქრისტეა, რომელიდანაც თითო წევრი ამ სხეულისა, ახლო შეკავშირების გამო, მიიღებს ძალას თავის გაკეთილოვანებისთვის. და რომ ქრისტე არის თავი ეკლესიისა, ეს ნათლად სჩანს მოციქულის სიტყვებიდან: „იგი (ქრისტე) არს თავი გვამისა მის ეკლესიისა“ (კოლ. 1, 18); ამნაირათ, ის არის ეკლესიაში, ვისაც, აქვს კავშირი და შეხება მის თავთან. ის, რომელიც ეკლესიაში არ არის, მოკლებულია ცხოველყოფელ ძალას, რომელიც გამოდის ეკლესიის თავიდან, იმის მზგავსად, როგორც ადამიანის სხეულში ყოველი ნაწილი იღებს განმახორციელებელ ძალას სულისას, მანამ ცხოველი კავშირი აქვს ცხოველთან. მხოლოდ აქ ეკლესიაშია ქეშმარიტება, რომელსაც გვაძლევს მასში დამკვიდრებული სული წმინდა (იოან. 16, 13), და ის ეკლესიის ცნობიერება, რომ

მელიც განმტკიცებულია მოციქულები-საგან, საღმრთო გადმოცემისაგან და წმინდათა ეკლესიის მამათა და მოძღვართა დაქვემდებარებით. დააფუძნა რა ეკლესია ხალხის ცხოვნების ხელშესაწყობლად. უფალმა იესო ქრისტემ დააწესა საჭიროებაც გარეგანი რამოდენიმე წესწყობილებისა. იმან განაწესა უფლება ეკლესიისა, ანუ იერარქია, ასე რომ ერთიანობა ეკლესიის საზოგადოებისა უნდა განმტკიცდებოდეს ერთის სარწმუნოებით, და გარდა ამისა, — ერთის ეკლესიის უფლებით, და საჭიროა გამოიხატებოდეს ასეთ თუ ისეთ კულტში და რელიგიოზურ გარეგნულ წესში. ეხლა ბევრს უნდა უარპყოს ღვთისმსახურებაში გარეგნული წესი; ამბობენ, წესი ეს უბრალო რამეა და სრულიადაც არ არის საჭირო. ასეთი აზრის მიღება სამართლიანად არ შეიძლება. მართალია, უნდა დაგთანხმდეთ იმაში, რომ გარეგან წესს აქვს პირობითი მნიშვნელობა, რომ იგი ცვალებადია, მაგრამ იმის თქმა-კი არ შეიძლება, რომ რელიგიოზური წესი საჭირო არ არის, და შეიძლება უიშისოდ დარჩენა. ადამიანი არის არსება არა მარტო სულიერი, არამედ ხორციელიც, და სანამ იგი სცხოვრობს დედამიწაზე, მანამდის იგი ვერ განთავისუფლდება გარეგანი რელიგიოზური წესისაგან. თუ ჩვენ ავიღებთ ადამიანის ჩვეულებრივ ცხოვრებას, იგი მთლად შესდგება გარეგანი წესისაგან. ეგვევი უნდა ითქვას თვით მოწინავე კულტურულ ხალხზედაც. განსხვავება მხოლოდ იმაშია, რომ ერთ შემთხვევაში წესი ასეთ ფორმაში გამოიხატება, ხოლო მეორეში — სხვა ფორმაში, უფრო გასუფთავებულში, რომელსაც მაღალი აზრი ექნება. რაც შეეხება საკუთრივ ეკლესიურ წესს, აქ ყოველ შემთხვევაში, გარეგან საფარველში გახვეულია ყოველთვის რაიმე მაღალი აზრი. რა თქმა უნდა, რელიგიოზური ვითარება არის განსაკუთრებით სულიერი, სადაც, თითქოს, არ უნდა ჰქონდეს ადგილი არაფერ გარეგნულს. მაგრამ ამასთან ისიც ნამდვილია, რომ კაცს არ შეუძლიან ხელი აიღოს გარეგნულ ხორციელ ცხოვრების ფორმებზე. შინაგანი, სულიერი, ნამდვილი თავის სახით, მისთვის მეტად მაღალი და მიუწვდომელია, რადგანაც იგი იმყოფება

მუდმივ და ძლიერ დამოკიდებულობაში გარეგნულ გრძნობათა და შთაბეჭდილებათაგან. განვითარება ადამიანის სულისა იწყება გარეგნულ გრძნობათა მოქმედებით, ასე რომ თვით უმაღლესი გონებრივი პროცესი ანუ აზროვნება ხდება გრძნობადი მიხედვის ანალოგიით. გარეგნული შთაბეჭდილება აუცილებლად მოქმედობს ხალხზე და ცოტათ თუ ბევრათ შეუძლიან ხელი შეუწყოს ადამიანის შინაგან — სულიერ ზრდას, აღამალოს მისი გული და აზრი გარეგანიდგან შინაგანზე, მატერიალურიდგან სულიერზე დაბლიდგან მაღალზე.

(შედეგი იქნება).

ი. ლუკიანოვი.



უღ სამღვდლო ლეონიდეს მოგზა-ურობა გურიანში.

გაგრძელება¹⁾

აგერ ლეხაურშიც მავდით. მცხოვრებელთა სახლებში ერჩევა და თავ მოწონებით გამოიყურება ლეხაურის ორ კლასიანი შკოლის სახლი. უღ სამღვდლოს დიდათ ასიამოვნეს ამ სასწავლებლის ბავშვებმა თავიანთი ცოდნით და ეპისკოპოსმა საკლასო წიგნში ჩაუწერა ბ.ბ. მასწავლებლებს მაღლობა სვინდისიერი შრომისათვის.

ლეხაურის ეკლესია გარედან ვერ ახდენს რიგან შთაბეჭდილებას, მაგრამ შიგ რომ შეხვალ, სურათი იცვლება და თვალ წინ გიღვება ქართული სტილის, მთლათ მოხატული, შუა ტანის, ძველი დროის, მშვენიერი თლილი ქვის, მოხდენილი ეკლესია.

ეკლესიაში შენახულია რამდენიმე ძველი ხატები, დაცულია აგრეთვე მეთერთმეტე საუკუნის სახარება ტყავზე, და ხელნაწერი საღვთსაწაულო; აქვე ინახება ერთი, დაახლოებით ფუთ ნახევარი, საეკლესიო ზარი წარ-

¹⁾ იხ. შინ. საქ. № 27.

წერით. წარწერა მხედრულია გამობერილი ასოებით, წარწერა ვერ წავიკითხე, რადგანაც წვიმა მოდიოდა და ბინას მივეშურებოდით. ეკლესია სავსე იყო ხალხით და ტკბებოდა მღ. მ. ნესტორ კონტრიძის, და მკლ. ნაკაშიძის, გუნდთა ძვირფასი გალობით. მისმა მეუფებამ დამსწრეთ განუმარტა, რამდენათ სასარგებლოა სამღრთო წირვა ცოცხლებთა და გარდაცვალებულთათვის. წირვაზე ჩვენთან ერთად ეკლესიაში იმყოფება ზეციერი მამა ჩვენი ღმერთი და მხნელი სოფლისა იესო ქრისტე. რაც უნდა ცოდვილი იყოს კაცი, თუკი იგი გულს გადუხსნის ღმერთს და სთხოვს შენდობას, უეჭველად შეუსრულდება მას თხოვნა და არასოდეს ეკლესიიდან არ გავა ისე, რომ თან არ გაიყოლოს მაღლი ღვთისა. უნდა ვიცოდეთ, რომ წირვის დროს ჩვენთან ერთად იმყოფებიან აგრეთვე ჩვენი ღვდ-მამის, ჩვენი მიცვალებული ძმებისა და დების, შვილების და ნათესავების სულები.

როდესაც მიცვალებულის სულები ხედვენ ეკლესიაში თავიანთ ცოცხალ ნათესავებს, დიდათ უხარიათ და თავის მხრითაც ეხმარებიან ცოცხლებს ღვთის წინაშე ვედრებით, მაგრამ თუ მათი ნათესავები არა სჩანან ეკლესიაში, დიდს მწუხარებაში და ტანჯვაში ვარდებიან.

ამ სიტყვამ ისე იმოქმედა ერთ ქალზედა, რომ ეკლესიიდან გამოსულმა სხვა მანდილოსნებთან ფიცით აღიარა: „ღმერთმა დამსწყევლოს, თულა მე ოდესმე წირვა ღოცვას დავაკლდე. თუკი ჩემი ქმარშვილის სულები ჩემის მოუსვენელობით შეწუხდებიან, მე რას უნდა მოუჯდე სახლშიო!“

ეკლესიიდან ყ-დ სამღვდლო მიიპატივა მღ. ნესტორ კონტრიძემ, სადილზე, სხვა სიტუმართა შორის, ბრძანდებოდა ოზურგეთის ქალაქის თავი ბ. ბებურ ბებურიშვილი.

ეს მოხუცებული იშვიათი მოსაუბრე და ზედ მიწვევით მკოდნეა სამშობლო ენისა: ამასთან დიდი მოსიყვარულე ყოფილა გურული გალობა—სიმღერისა. სადილზე გალობდა ორი გუნდი ზემო ხსენებული კონტრიძის და ნაკაშიძისა. ყ-დ სამღვდლომ ნება დართო

ემღერათ საერო სიმღერებიც, ტკბილმა სიმღერამ და გალობამ. მისი მეუფება აღტაცებაში მოიყვანა და რამდენჯერმე მაღლობა უბრძანა მგალობლებს.

სადილ შემდეგ ყ-დ სამღვდლო ღამის გასათევად მიიწვია საკუთარ ბინაზე ბ. ბებურიშვილმა. პატივცემული მასპინძელი დიდათ მონდომებული იყო, რომ ყ-დ სამღვდლოსთვის გაეგონებინა, რაც კი შესანიშნავი რამ არის გურულ გალობა—სიმღერაში და რამდენათაც შესაძლო იყო, კიდევ შეასრულა ეს, მისმა მეუფებამ დიდ დავალებად ჩასთვალა ეს და გულითადი მაღლობა გადაუხადა სტუმართ მოყვარე მასპინძელს.

თოთხმეტი მარტი იყო კვირა დღე. წირვის მოსმენა ყ-დ სამღვდლომ ინება აქის ეკლესიაში. წირვის ბოლოს მღვდელთმთავარი გამობრძანდა აზიონზე სამღვდელთმთავრო მანტიით და ხალხს მიმართა სიტყვით, რომლითაც გააცნო მსმენელებს, როგორ დაამყარეს ჩვენში ქრისტიანობა მოციქულმა აღრიამ და ღირსმა დედა ნინომ.

წმ. ნინო ნამდვილი მშობელი დედაა ჩვენი. მის მოსვლამდე ჩვენში ერი თავიანთსა სცემდა უბრალო კერპებს და იმ ზომამდე შეპყრობილი იყვნენ დიდი და პატარა სიბნელით, რომ ადამიანს მსხვერპლად სწირავდნენ ამ კერპებს. კერპს აკეთებენ ლითონისაგან კაცის სახით, წინ გაშვებული ხელებით.

შიგნიდამ კერპი სულ ცარიელი იყო; მისი დღეობა რომ მოვიდოდა, მიჩენილი მოსამსახურეები კერპის შიგნით ანთებდნენ დიდ ცეცხლს და როდესაც კერპი იმდენად გახურდებოდა, რომ ცეცხლის ფრად ლაპლაპს დაიწყებდა, უბედურ მშობლებს მიჰყავდათ თავიანთი პატარა შვილები და ხელში აძლევდნენ საზარელ კერპს უდანამაულო და უმანკო ქმნილებას. ადვილათ წარმოიდგენთ, რა გოგოხეთურ ტანჯვა-წამებაში უნდა ამოსლოდათ სული საცოდავ ბავშვებს; ცხადათ მიხედვით, როგორი კერპები, შეუბრალებელნი, უგრძობელნი და უგულონი იქნებოდნენ ერთი მეორისათვის ისინი, ვინც წარბ შეუხრებლად ცეცხლში ხრაკავდნენ თავიანთ შვილებს, ვინც

გულ ღინჯათ შეჭყურებდნენ ამ საცოდავ ბოვ-
შეების ვაებას!

ამ მხეცობიდან და სიბნელიდან ჩვენი
ქვეყანა დაიხსნა წმ. ნინომ, მისი მხურვალე
ლოცვის ძალით დაიმსხვრა და მტვრად იქცა
უმსგავსი კერპი. წმ. ნინომ ხალხს აუხსნა,
რომ კერპის თაყვანის ცემა მაჩვენებელია ადა-
მიანის უგუნურებისა, კერპი ქმნილება კაცისა
და მას არავითარი ძალა, არავითარი აზრი,
და შეგნება არა აქვს. არის ქეშმარიტი ღმერ-
თი, უხილავი, რომელმაც შექმნა ცა და ქვე-
ყანა და მას მხოლოს უნდა მსახურებდეს, მას
მხოლოს უნდა ლოცულობდეს და მარტოდ
მაზედ სასოებდეს ყოველი ადამიანიო.

ჩვენ ყველანი ღვთის გაჩენილები ვართ,
ყველას, ქალს და კაცს, დიდს და პატარას,
ღვთის საკუთარი უკვდავი სული გვცდგია და
ჩვენის მხრით ღვთის მსახურება იმაში უნდა
გამოიხატებოდეს, რომ ეს სული შეუნახოთ
უფალს, ამ სულის მოთხოვნილების თანხმად
მოვაწყოთ ჩვენი ცხოვრება, ერთი მეორე
გვიყვარდეს, ერთმანეთი გვებრალეობდეს, ერ-
თი მეორეს ვშველოდეთ და მუდამ ერთი მეო-
რის ქირ ვარამს ვიზიარებდეთ.

მადლიანმა ქადაგებამ ხალხს გული მო-
უღბო, ქართველებმა ნელ-ნელა იწყეს გადას-
ვლა წმ. ნინოს მხარეს და ბოლოს მთელი
ერი მოინათლა, მთელმა ერმა სცნა ქეშმარი-
ტი ღმერთი და მეფილად დაწყებული უკანას-
კნელ გლეხამდე ყველანი დაემოწაფნენ ქვეყ-
ნის მხსნელს, მაცხოვარს იესო ქრისტეს.

ამ გარემოებამ სულ სხვა გზაზე დააყენა
და სხვა ელფერი მისცა ქართველების ცხოვ-
რებას. საქართველოს კუთხეებში იწყეს ისეთი
დიდებული ბრწყინვალე და შესანიშნი ტაძ-
რების შენება, როგორც არის მაგალითად ეს
მამაპატარავან დარჩომილი თქვენი სალოცავი.
როგორც ხედავთ, ეკლესია ზემოდამ დაბლამ-
დე ოთხ მხრივ დაფარულია მხატრობით. ასე-
თებია ყველაგან ძველი ეკლესიები.

ამას ჩადიოდნენ ჩვენი ძველები იმ აზრით,
რომ ყველას თვალ წინ სდგომიყო ის, რის
ცოდნაც სავალდებულოა ყოველი ქრისტიანისა-

თვის, რის მიმდევარიც უნდა იყოს თავის სი-
ცოცხლეში მორწმუნე ქალი და კაცი, რაც
უნდა ამხნევებდეს და სანთელსავით გზის უნა-
თებდეს ქრისტიანს.

წიგნი, წერა-კითხვა ყველას არ შეუძ-
ლიან იცოდეს, დახატულს კი ყველა დანა-
ხავს და თუ ერთხელ აუხსნა მოძღვარმა უწიგ-
ნო კაცს მხატვრობა, მერე უწიგნოთაც ექნებათ
დახატულის შეგნება, მერე ისიც თავისუფ-
ლად წაიკითხავს დახატულის აზრს და თავის
მხრივ, როგორც წიგნის მცოდნე, ისე გადას-
ცემს სხვას. ამ გვარად სალოცავები ჩვენში
ერთსა და იმავე დროს შკოლების დანიშნუ-
ლებასაც ასრულებდნენ და ამითი აიხსნება,
რომ მტკიცედ და ღრმად გაუჟდა ჩვენ ერს
ძვალ რბილში ქრისტეს მოძღვრება.

ქრისტიანობამ დაბადა ჩვენში მწიგნობ-
რობა, წერა-კითხვა და მეცნიერება, მან ააყ-
ვავა, გააძლიერა, გაამშვენა და უმაღლეს ხა-
რისხამდე განავითარა ჩვენი ენა. ქრისტიანო-
ბამ შეაყვარა ქართველ ერს სამშობლო და
ყველას საღმრთო მოვალეობად მიიჩნდა სამ-
შობლოს ბედნიერებისათვის თავის შეწირვა.

ამითი უნდა ავხსნათ, რომ თუმცა ქარ-
თველობა ყოველ მხრილად შეზღუდული იყო
დაუნდობელი მტრებით, მაგრამ ყველა მტერი
დასთურგნა, ყველა გაჭირვება გადაიტანა და
დღევანდლამდე შეინარჩუნა თავისი მიწა წყა-
ლი.

აი სხვათა შორის, რა სამსახური გავვი-
წია ქრისტიანობამ ქართველებს.

დღეს, სამწუხაროდ, გამოჩნდნენ პირები,
რომლებიც ჰგმობენ ქრისტიანობას და გვირ-
ჩევენ მის დაეწყებას, უარის ყოფას და სამუ-
დამოთ თავილამ მოშორებას. ქრისტიანობის
მოწინააღმდეგე მჭადაგებლების აზრი რომ
მდაბიოთ და ყველასთვის გასაგები სიტყვებით
გამოვსტკვავთ, გამოვა შემდეგი: ქართველო,
ისევ გაწარშათდი, ე. ი. ისევე დაიბნელე გო-
ნება და ზნეობა, ისევე შეიძულე შენი მოყვასი,
დაკარგე და გაატიალეთ მამა პაპათა სისხლით
მორწყული მიწა-წყალიო, ე. ი. შენივე საკუ-
თარი ხელით მოისპე სიცოცხლეო.

არ შეცდეთ, ჩემო სულიერო შვილებო, არამც და არამც გულში არ გაიტაროთ ქრისტიანობის ლალატი. თქვენი ქვეშაირიტი ხელმძღვანელი, თქვენი გზის მაჩვენებელი და უცდომელი მაქადაგებელია ეს თქვენი სალოცავი. მისი მოხატული კედლები თითონ გეუბნებიან, რა მიმართულებას უნდა ადგეთ ცხოვრებაში და რა აზრები უნდა მოქმედებდნენ თქვენს გულსა და გონებას. გიყვარდეთ ღმერთი, გიყვარდეთ ქრისტიანობა, გიყვარდეთ ერთმანეთი და ღმერთიც არასოდეს არ გაგწირავი, როგორც არ გაუწირავს თქვენი ძეგლები.

სიტყვის და ხალხის კურთხევის შემდეგ უცდელად გულ დადებით დაათვალიერა მხატრობა, რომელიც ჩინებულათ შენახულა და ცხოველად მოსჩანს კედლებზე. მთელი დასავლეთის კედელი დაქერილია წმ. გიორგის ცხოვრებიდან ამოღებული შემთხვების გამოხატულობით. ჩრდილოეთის და სამხრეთის კედლებზე გამოყვანილია ათორმეტი საუფლო და საღვთის მშობლო დღესასწაულებების მხატრობა, რომელთა შორის უკრადლებას იქცევს მიძინება უცდელისა. დედა ღვთის გარშემო შეკრებილან წ. მოციქულნი, შუაში სდგას მაცხოვარი იესო ქრისტე, ხელში უჭირავს დედა თვისი სულიერათ, ზეცილამ მიემგზავრებიან ანგელოსნი და ხელში ჭრელ არშინანი არდაგი უჭირავეთ.

სულ დაბლა იატაკზე ზედ დაწდომით დახატულები არიან მღვდელთმთავრები და მოწამეები.

ბატონმა უბრძანა მამა ბლალაჩინს ეკლესიის გვერდებზედ გარეშემთ სუფთა ხარხა გაუკეთეთ, რომ კაცი კედლებს არ ეხახუნებოდეს და ამითი მხატრობა არ წახდესო.

ვიწრო და მთიან—ტყიანი აქის ხეობილამ უცდელად წაბრძანდა სოფ მაკვანეთში, რომელიც გაშენებულია ხელის გულივით გაშლილ ვაკეზე.

(შემდეგი იქნება).

ის მაინც ეზიარა!

(ვრდენი ვლადიმერ ნ. ჩასლაძის სსთვნას).

ჯერ კიდევ 16 წლისა იყო იგი, რომ მას გაუნდა საზარელი სენი, საშიშარი ავთმყოფობა, რომლის წინაშე უძლურია მეცნიერთა ცდა-მეცადინეობა, რომელი სენიც ადამიანის ფილტვებს ღრღნის, ხრავს და მთელ სხეულს შხამავს. ნიჭი სწავლისა კი მას საოცარი ჰქონდა, მხოლოდ მასწავლებლის ერთი ახსნა კმარიყო, მცირე მასალას მისგან მიღებულს მისი გონება-ნიჭი ძლიერ ფართოდამუშავებდა, ყოველიფრის მიზეზ-შედეგებს აგებინებდა. ნიჭი უძლოდა მას ისე, რომ ავთმყოფობამ ვერ შეაშინა და დაასრულა კიდევ უმაღლესი სასწავლებელი. გული სპეტაკი, შემბრალ-მოსიყვარულე ადამიანის, მჭერმეტყველ-მომხიბლველ მოლაპარაკე, მაღალ საყნებზედ ძლიერ ჩაკვირებულ დადინჯებულად-მობაასე და მეტყველი, გული უძგერდა მას ქვეყნად სიკეთის თესვა-ფენვისა, ჭირში მყოფთ, ბედით ჩაგრულთა ნუგეშ-ცემისთვის და რომ დასკოდა, ბევრს შეუშრობდა თვალზე ტრემოს თვისი თანაგრძობითა!

მაგრამ ის სენი თანდათან მუხლებსა კვეთდა, გულს უწუხებდა, სიცოცხლის ნაცვლად სულ სიკვდილს დაუხახახე-მოაჩვენებდა და მძიმე ხველება, სისხლით ნარევი, მთელ მის არსებას შეაძრწუნებდა! დიდხანს ებრძოდა იგი ამ სენს, ძლიერ უვლიდა თავის თავს, არას ზოგავდა, რომ უდროვით არ გაქრობოდა სიცოცხლის შუქი სრული 17 წელიწადი იტანჯებოდა, კენესა-ოხვრაში ატარებდა თავის დღეთ. ამაო გამოდგა მისთვის ყოველივე ცდა-საშვალეობა: სენი უფრო მარჯვე გამოდგა: თანდითან, დღე-დღეზე სიცოცხლის ძალას აკლებდა, სისხლს უწაშლავდა და სიკვდილის პირზე მიაყენებდა. დაუქმდა ნიჭი, მრავალ იმედის მომსწავებელი, დასუსტა ენა, ენა მრავალ კეთილ-მეტყველი, გულმატ სხვა ხმაზე უწყო კრთოლვა და ძგერა!

ცალკე ოთახში, მარტოთ მარტო წევს

№



სარეცელში, უიმედოთ ღონე მიხდილი. ერი-
დებიან მას თვისნი და მეგობარნი, მხოლოდ
ხანდისხან ინახულებენ, რომ გამოხატონ თა-
ნაგრძნობანი! ყველას სიბრალულით ევსება
გული, ხედვენ რა მისს ასეთ უმწეო მდგომარეობას,
ნუგეშის თქმასაც ვერ ბედავენ, რადგან
სიცრუე იქნება. მან თვითონ კარგათ იცის,
რომ დათვლილია მისი სიცოცხლის დღენი,
ხელების კანს ხშირ-ხშირად დასჩერებია და
იქ კითხულობს ამბავს თვისს ბედისას. რით
აიმედებ ასეთ ადამიანს? ცბიერობაში, ფარისევლობაში
ჩამოგართმევს და უფრო აწყენინებ კიდევ.

შესჩერებისარ მის ასეთ ტანჯვას, ვითა
ოდესმე მართალი იოზს— მის მეგობარნი... შენც
სული გიწუხს, გული გიღელავს, ათასი მწარე
ტრიალობს თვალში, მისჩერებისარ სიბრალულით
ავათმყოფს, ყურს უგდებ მისს კენესა-
ოხვრას და საცოდავ გმინვას, და შენც ოხრავ,
კენესი და იტანჯები მასთან ერთად. საყვედურს
უთელი გულში ადამიანთა ტანჯვის მიზეზს და
უსიტყვოდ ზიხარ მასთან რამოდენიმე წამს
და მერე „მშვიდობით ნახვამდისო“ ეუბნები
და ისე შორდები. მაგრამ სად არის მშვიდობა?
განა ეს სიტყვა საწყენი არ არის მისთვის,
ვინც უკვე გადასწყვიტა, რომ არ არის „მშვიდობა
ძვალთა მისთა?“ მარა ნახვა ნათესავ-მეგობრებისა
მისთვის მაინც რაღაც სანუგეშოა. შენ მიდიხარ.
ის მარტო რჩება, უსიცოცხლოდ, სასოწარკვეთილებით
შესჩერებია ოთახის კედლებს და, ვინ იცის,
რა ფიქრები და გრძნობები ებადებიან მას?

ჩემიც კარგი მეგობარი იყო ის. 5-6 წლის
განმავლობაში აღარ მინახავს, რადგან იგი
მაშინ სხვაგან ცხოვრებდა. მას შემდეგ მხოლოდ
წელს, იანვარში, ქუთაისში ვინახულე, მაგრამ
მისმა ნახვამ დამაღონა, გული მომიკლა.
ის აღარ იყო მაშინ, რაც უწინ: მომღიმართ
სალამის მომცემი, მხიარულად სტუმრის
მიმღები. მხოლოდ ეს მითხრა, როგორ ცხოვრობო
და ამით გათავდა. ძალია არ შესწვდა
ლაპარაკის და რას იქმოდა?

დიდხანს უცქირე მის ტანჯულ სახეს, თვალის
უბეებში ცრემლები ჩამიდგა მის სიბრალულით.
ველარ უძელი და ზეზე წამოედექ წამოსასვლელად.

— „მოითმინეთ, ცოტა ხანსაო, მან წამს-
ჩურჩულა; საქმე მაქვს შენთან. და ჯერ ვერ
ვაგიშვებო“. მეც გაფიქრდი— გაოცებული.—
სუფთა სტაქანი წყლით სავსე და ჩაის კოვზი
მომიტანეო იქ მყოფ რძალს უთხრა, რაც მყისვე
შესრულებულ იქნა.

— მამაო დაიწყე მან, ვატყობ რომ სააქაოს
აღარ ვეკუთენი და გთხოვ მაზიარო, ძლიერ
საქიროდ მიმანია ზიარება, დიდი ნუგეშია
იგი ჩემთვის და ნუ მომაკლებ ამ ნუგეშსო!
ამ სიტყვებმა კიდევ უფრო გამაცვიფრა—
გამაოცა და დიდხანს ვიყავ გაჩერებული
უხმოდ—უსულოდ.

„შენ გაკვირვებს, ვატყობ, ჩემგან მოთხოვნა
ზიარებისა, განაგრძო ისევე მან; ეხლა მოდაშია
ყოველივეს უარისყოფა, და არ დაჯერება
არაფრისა, გარდა მატერიალისტურ, სოციალისტურ
აზრებისა; ხშირად ანაბანას მკოდნე,
სხვისგან ჩანაბერი აზრების გაუგებრად
მოტიტინე, სიკვდილის ჟამს უარს ამბობს
ზიარებაზე და მით უნდა დაუმტკიცოს ყველას
თავისი ცოდნა, გმირობა; ამას ჩადის ის,
ვინც არ იცის უბრალო რამ და აღვილად
გასაგები ქეშმარიტება, ამავე დროს კი იგი
ერთის ხელის მოქნევით, ერთის სიტყვის შეტყორცნით
სპობს მიზეზთა მიზეზს, აბუჩად იგდებს
სარწმუნოებას. ცოტათ ამაზე მეტი ნაწაველნი
ხომ უფრო შორს მიდიან ღვთის უარყოფაში
და მიტომ განა, მამაო, მეც მათ რიცხვში
მთელი-ო?— მაგრამ არა, აგრე ნუ ფიქრობ:
ბევრს სცდილობენ ქრისტეს სწავლის დარღვევა-
გამტყუნებასა, ბევრს სხვა და სხვა თეორია-
გიბოტეზას სთხზვენ სწავლულები, მაგრამ
ქრისტეს სწავლა-მოდღერებასთან ესეთები
არა ჩნდებიან; ჯერ ვერვინ შეიძლო სახარების
აზრების გაყალბება— გამტყუნება, რაიც
მოწმობს მის ღვთავობრიობას. ვერც ერთი
მეცნიერი დარწმუნებით ვერ ამტკიცებს ღვთის
არ ყოფნას, არ არსებობას, ქრისტე კი

რანაირი დაბეჯითებით—დარწმუნებით, შეურყვევლად მოუთხოვს ყველას ზეციურ ამბავს, როგორც თვით მხილველი ყოველიფრისა; ვერსად ვერც, ლაპარაკ-ქადაგებაში და ვერც სხვა მოქმედებაში, მას ვერ შენიშნავ რყევას ყოყმანობას და სჩანს რასაც ამბობს—ქეშმარიტებაა და მიტომ უმჯობესია ყველაზე უფრო ქრისტე ვიწამოთ და მისგან ნამცნევი სწავლა—სახელმძღვანელოთ გამოვიყენოთ და ვაღვიაროთ, რომ „ის მართლაც არის გზა და ქეშმარიტება“. უნდა გვწამდეს საიდუმლო ზიარება, როგორც თვით მისგან დაწესებული ჩვენი ღვთაებასთან შესაერთებლად და დიდ ნუგეშად—ცოდვითა შესამსუბუქებლად და მსურს ვეზიარო, მსურს უკანქსენელად გამოვხატო ჩემი მისდამი რწმენა და ამ იმედით დავტოვო ეს ქვეყანა, სადაც წილად მხვდა მხოლოდ ტანჯვა-წვალება და გავემგზავრო იმ ქვეყანაში, რომელზედაც გვითითებს ქრისტე სახარებაში; — ბევრი, ძალიანაც ბევრი, დაუმატა მან, გადამიკითხავს ღვთისუარამყოფელნი წიგნებიც, მარა გული ჩემი, არათუ ვერ კმაყოფილდება იმათი, სულაც ახლოს არ იკარებს იმათ აზრებს, მე მაინც აქეთ, სარწმუნოებისკენ, მიმელტვის გული, მე უფრო მხიბლავს ქრისტეს სწავლა, ვიდრე სხვა ბრძენთა და მიტომ ვთხოულობ მე სასიკვდილზე ზიარებასა და არა ისე, როგორც ბევრი უბრალო ჩვეულებით იქცევა. და მაშ, ნულარ გიკვირს, მამაო, ნულარ ოცდები ამ ჩემ სიტყვებზე და მაზიარე!“

მისმა ასეთმა აღსარებამ, სარწმუნოების გამოცხადებამ, აღტაცებაში მომიყვანა და, ვითცა მზემ ღრუბელი, ჩემ გულს სევდა ჩამოაშორა.—ადრევეც კი ვიცოდი მისი შეხედულობა უმაღლეს საგნებზედ, მარა მეგონა მწარე ტანჯვა, უსიხარულოთ განვლილი სიცოცხლე, მოშხამული სიყმაწვილე და დაუმსახურებელი დასჯა მასაც გასტეხდა, აზრს შეაცვლევინებდა ღვთაებაზედ, დააგმობიებდა სარწმუნოებას საღმრთო წიგნებში გამოცხადებულს, მაგრამ სჩანს იგი ამ რწმენაში უფრო განმტკიცებულია არა თუ შესუსტებულია.

ვერ შეუსრულე მე მას თხოვნა—ვერ

ვაზიარე, რადგან მგზავრათ ვიყავი მოსული და თან არ მქონდა, რაც რომ საჭიროა ამ გვარ საქმეში. და მეორე დღეს სხვა მღვდელს, მ. თ. დ. მას ეზიარებია და მასთანაც ისეთივე სარწმუნოება გამოეცხადებია, რომ ის მღვდელიც გაოცებულია და ამბობს არ შემხვედრია ჩემ მღვდლობაში ასეთი აღსარების მთქმელი და მორწმუნე ადამიანიო.

მაშინ როდესაც მნახველნი ვერ სდგებოდნენ ისე, რომ ავად არ ეხსენებიათ ღმერთი ავთმყოფის ასე დატანჯვისთვის, თვით იგი ზეცას აღაპყრობს გონებას და იქედებს თვისა ნუგეშსა და ღებულობს წმ. ზიარებასა და იგი მაინც ეზიარა!

აი მისბაძი მაგალითი ბევრისათვის ჩვენს დროებაში!

ის გარდიცვალა იანვარშივე. გასვენებისას მის კუბოს არ ამკობდნენ გვირგვინები, თუმცა ღირსი იყო. არც წარმოთქმულა სიტყვები, დამხასიათებელნი მისი კაი კაცობისა, მაშინ როდესაც ბევრით მაზედ მდარესა დიდის ქებით ამკობენ და პატივითასვენებენ. მას აქაც უღალატა ბედმა, ჩვენებურად რომ ვსთქვათ, და იგი ერთ უბრალო ადამიანივით დაიმარხა ცივ სამარეში.

ვერ დავესწარი მაშინ მე გასვენებაზე და ამიტომ აქ ამ სტრიქონებმა დაამტკიცონ ჩემი მისდამი პატივისცემა.

მღ. დ. ლოსაბერიძე.

15 ივლისი 1910 წ. ს. წყალშავი.



ქურნალ-გაზეთიუბიდან.

ქურნალ „განათლებლის“ შინაურ მიმოხილვაში ბ. კახაბერი უწუნებს გაზეთ „ახალ გზას“ შეხედულობას სამღვთო სჯულის სწავლების შესახებ პირველდაწყებით სკოლებში და ამბობს შემდეგს:

„ვერ ვეთანხმებით გაზეთ „ახალ გზას“ ბევრს სხვა შენიშვნებში. ავიღოთ თუნდა საღმრთო სჯულის სწავლების საქმე სახალხო სკოლებში, რაც გაზეთს უადგილოდ მიაჩნია

და რასაც მცირე ადგილს უთმობს და იმისაც მხოლოდ მეოთხე განყოფილებაში. საღმრთო სჯულის სწავლების საკითხი მეტად რთულია ეს საკითხი ევროპის მოწინავე ქვეყნებშიაც ვერ გადაუწყვეტიათ ისე, რომ სრულიად განდევნონ მისი სწავლება სკოლებიდან. მართალია ზოგან უფრო განათლებული ქვეყნების სასკოლო პროგრამაში საღმრთო სჯული არ შედის, მაგრამ ეს იმას არ ნიშნავს, რომ საღმრთო რელიგიოზური სწავლა განათლებას სრულიად უარს ჰყოფდენ, ამასთან ისიც უნდა ვსთქვათ, რომ ასეთ სკოლებში ხშირად თავს იყრიან ისეთი ბავშვები, რომლებიც სარწმუნოების მხრით ერთმანეთისაგან განსხვავდებიან. აქ ყველა სარწმუნოების ჯგუფს სრული უფლება აქვს თავისი სარწმუნოების მიხედვით მიიღოს რელიგიოზური სწავლა—განათლება, რისთვისაც იწვევენ სასულიერო ან საერო პირებს სჯულის მასწავლებლად. იქ კი, სადაც სკოლაში ერთი სარწმუნოების ბავშვები დადიან სკოლებში, თითოეულ მათგანს თავისი საღმრთო სჯულის მასწავლებელიც ჰყავს. მაგალითისათვის მოვიყვანთ შვეიცარიას, ქვეყანას, რომელიც საღმრთო სჯულის სწავლებაში უფრო ნეიტრალობას იკერს. ციურების სკოლებში საღმრთო ისტორიის და საზნეობრივო ცნობებს I—VI კლასამდის Primarschule ასწავლის თვითონ მასწავლებელი, რომელიც საგანს ასწავლის კონფესიონალური სარჩულის უარყოფით, როგორც საზოგადო მორალურ დოკტრინებს; მხოლოდ VII და VIII კლასებში საღმრთო სჯულის სწავლება გადადის ადგილობრივი მღვდლების ხელში, მაგრამ, სამაგიეროდ, ამ კლასებში საღმრთო-სჯულის გაკვეთილები სავალდებულოდ არ ითვლება. ვაადტის ყველა სკოლებში ასწავლიან საღმრთო სჯულს. ენევის სკოლებში საღმრთო სჯულის სწავლებას ფაქულტეტიური სახე აქვს, როგორც კათოლიკეთა ისე ლოთრანგთა მღვდლები ასწავლიან სკოლებში თავიანთ აღსარებას. საღმრთო სჯულის გაკვეთილებს აქ ნიშნენ სასწავლო დროს გარეთ. ბერნის სკოლებში ქრისტიანულ სარწმუნოებას ბიბლიურ ისტორიის საფუძველზე ასწავლიან, მაგრამ ეს სწავლება სწარმოებს ან პირველ გაკვეთილზე, ან ყველა გაკვეთილების ბოლოს. ბევრგან ლოთრანგთა ბავშვები საღმრთო სჯულის გაკვეთილებს ეკლესიაში ისმენენ, რასაც ზამთრის თვეებში ყოველ კვირაში ორჯერ ნახევარ დღეს ანდომებენ და

თუ ამ გაკვეთილებზე დამაწრენი ბლომად არიან, სკოლის სამზრუნველო განკარგულებას ახდენს შესწავლით ამ დროს სკოლაში მეცადინეობა. მოვიყვანდით სხვა ქვეყნების მაგალითებსაც, რომ საღმრთო სჯულის სწავლება არც ისე გაძევებულია სკოლებიდან, როგორც ზოგიერთებს გონიათ, მაგრამ მოყვანილი ფაქტებიც საკმარისია იმის დასამტკიცებლად, რომ შეძლება ეს საგანი სკოლებშიაც ასწავლონ, მხოლოდ საჭიროა სასურველი რეფორმები, რომ საღმრთო სჯულის სწავლებამ დისგარმონია არ შეიტანოს სკოლის ცხოვრებაში და არ დაჰბადოს ბავშვის გონებაში რაიმე საწინააღმდეგო აზრები—ეს კი შესაძლებელია, როცა საღმრთო სჯულს მასწავლებელი ასწავლის და არა მღვდელი, რაშიაც ვეთანხმებით ახალ გზას“.

სამართლიანად ამბობენ, რომ ბავშვი თავის ცხოვრებაში განიცდის ყველაფერს, რაც კაცობრიობას გამოუვლია თავის ცხოვრებაში, რელიგიოზური გრძნობაც ბავშს თან დაყოლილი აქვს, ველურების მსგავსად ბავშვსაც ისე არ შეუძლიან ღმერთი წარმოიდგინოს, თუ არა ადამიანის სახით, ადამიანის ყოველგვარ თვისებებით და ჩვეულებებით, მაგრამ დრო გადის და ბავშვიც იცვლის ამ გვარ შეხედულობას, უფრო ადრე შეიცვლის, რამდენადაც მარტივად აუხსნიან და გააგებინებენ რელიგიოზურს ცნებებს, ისე კი ადამიანი რჩება პირველ ყოფილ ველურ მდგომარეობაში. მაშასადამე საღმრთო სჯულის წესიერად სწავლება კი არ უხშავს ბავშვს გონებას, პირიქით უფრო ასახრდოებს მის ქუთა-გონებას, ფანტაზიას წახალისებს. თუ კი სწავლება წესიერად არის დაყენებული.

გაზეთ „ახალ გზას“ საღმრთო სჯულის მასალა, რაც მოქცეულია „სანიმუშო პროგრამებში“ ერთკლად მიაჩნია. პირიქით, რომ შეადაროთ ეს მასალა სხვა პროგრამებს, რომელიც არსებობს დღევანდელ სკოლებში, დარწმუნდებით, რომ ბევრად ნაკლებია და ისიც ისეთი მასალაა დასახელებული, რომლის ასე თუ ისე შესწავლა არ უნდა ეწინააღმდეგებოდეს ბავშვების ზნეობრივ განვითარებას. ლოცვებიც ძლიერ ცოტაა საზეპირო და ისიც ისეთები, რომლის აზრი ბავშვისათვის ვალგებარი არ არის. თუ რამდენს საზეპიროს ამღვევენ უცხოეთში მოწაფეებს, სანს კანტონ შაუტჰაუზენის სახალხო სკოლების პროგრა-

მიდან. მეორე წელიწადს ასწავლიან ზეპირად 60 ტექსტს საეკლესიო საგალობლებიდან ბიბლიურ მოთხრობებთან დაკავშირებით, მესამე და მეოთხე წელიწადს ამდენსავე, მეხუთე და მეექვსე წელიწადს 40 ტექსტს საზეპიროდ და 5 საგალობლად. ქრისტეს შესახებ მოკლე ცნობები და მოკლე განმარტება ქრისტიანობისა; რასაც „ახ. გზა“ გვიჩვენებს, საქმარისად არ მიგვაჩნია არც პედაგოგიურის მხრით და არც ზნეობრივი სწავლების სიმტკიცისათვის. ჩვენ არ გამოუდგებოდა იმის დამტკიცებას, თუ რა მნიშვნელობა აქვს საზოგადოდ ძველ აღთქმის ისტორიის ზოგიერთს ადგილებს მაინც, ეს უეჭველია თითოეულს ჩვენთაგანს გამოუტლია თავის თავზე, ვიტყვი იმასაც—არიან ისეთი შესანიშნავი და ცნობილი პირები, როგორც მაგ. ლ. ტოლსტოი, რომელსაც დაბადება (ბიბლია) საუკეთესო წიგნად მიაჩნია სახალხო სკოლებში საკითხავად.

ამბობენ სარწმუნოების სწავლება ოჯახს მივანდოთო. კარგი და პატიოსანი, მაგრამ გვეყავს კი ისეთი ოჯახი, რომელიც გაუძღვება ამ საქმეს? რამდენს განსაცდელს გამოივლის ჩვენი ხალხი, თუ მას ერთი მხარე ზნეობრივი აღზრდისა ჩამოშორდება. ამასთან ბევრი ჩვენში ღვთისმეტყველებს რჩება იმ ზნეობრივი ცოდნის აშარა, რასაც დასაწყისი სკოლა აძლევს, შემდეგში მეცნიერების შესწავლას ბევრი მოკლებულია, რომ უკეთ განიმტკიცოს ზნეობრივი მხარე და ამიტომაც უფრო საჭიროა სახალხო სკოლებში სარგებლობა ყოველის დონის ძიებისა, რაც ხალხის ზნეობას ხელს უწყობს და მაღლა აყენებს. ერთი ამ საშუალებათაგანი საღმრთო სჯულის წესიერი სწავლებაა არის.

მართალია მეცნიერების შესწავლაც ხელს უწყობს ზნეობრივს აღზრდას და ამიტომ შემცდარი ბრძანდება მამა დეკანოზი ერმალოზ კანდელაკი, რომელიც ურჩევს მასწავლებლებს „ყოველი თავისი მოქმედება დაამყარონ სარწმუნოებრივ ნიადაგზე“ (იხ. „სახალხო გაზეთი“ № 85), მაგრამ საღმრთო სჯულიც ერთს საჭირო საგანს წბრმოადგენს ხალხის ზნეობის განსპეტაკების მხრით, თუ მისი სწავლებით არ ჩააგონებენ ხალხს ბატონ-ყმურს მოთმინებას და ამა ქვეყნის ძლიერთა ბატონობას უფრო სუსტებზე, რაც პირველთათვის ხელსაყრელია, მაგრამ უზნეო და მეორესათვის კი ყოველის მხრით საზარალო; არამედ გადასცემენ წმინდა ზნეობრივ მოძღვრებას, რომელსაც

დღემდის შეუნახავს ქართველი ერი, ისტორიულს ქარცეცხლში გატარებული.

შემცდარია „ახალი გზა“, როცა ამბობს „სასულიერო გალობაც უნდა ამოიშალოს პროგრამიდან და დარჩეს მარტო ხალხური სიმღერებიო“. მეტად ცალმხრივი შეხედულობაა. მეცნიერები გვარწმუნებენ, რომ ქართული საეკლესიო გალობა ხალხური კილოდან წარმოსდგაო, რადგანაც ხალხურ სიმღერებსა და საეკლესიო გალობას შორის დიდს მსგავსებას პოულობენ. ყველა სიმღერა-გალობაში ხალხის სული ტრიალებს, შიგ არის ჩაქსოვილი ხალხის გრძობა, სიმხიარულე, სულის კვეთება, სულ-მადლობა და მრავალი საუნჯე წარსული დროებისა, ხალხმა შექმნა სიმღერა-გალობა, დროს განმავლობაში გაამშვენიერა იგი, პირველ ყოფილი სიმღერა გადაიქცა ბუნების ჰიმნად, გალობად და ანდერძად გადაეცა შთამომავლობას; ქართული საეკლესიო გალობა არა ნაკლებ ტკბილი, სასიამოვნო და ესტეტიური გრძობის აღმძვრელია, ვიდრე სახალხო სიმღერები, რომელთა შორის ბევრი არც შესაფერისია სკოლაში შესასწავლად. მაშ რა უფლება გვაქვს უარ-ჰვეყოთ ის, რაც მრავალ საუკუნოების განმავლობაში ერს შეუქნია, თავისი სულის კვეთება შიგ ჩაუტანებია და საშვილიშვილოდ გადმოუტია, ნუ თუ ეს არ იქნება ეროვნულ ნიადაგს დაშორება, ან ცალი ფეხით მოკიდება ეროვნულს ნიადაგზედ?!

„სასულიერო გალობას სახალხო სკოლებში არ ასწავლიან, არც არავინ ამას ყურადღებას არ აქცევსო“, ამბობს „ახალი გზა“. არ ვიცი რომელი სკოლები ჰყავთ სახეში, თუ ჩვენებური—იქ ბევრს სხვასაც არ ასწავლიან, სხვაგან კი, თუ გინდ რუსეთში გალობა ბევრს სკოლებში თითქმის პირველ საგნად ითვლება, ამას გარდა როგორც ზემოთ ვამბობდით კანტონ შაფუ-ჰაუზენის სახალხო სკოლებში აუარებელს საგალობლებს ზეპირობენ და სწავლობენ. საზოგადოთ გაზეთი „ახალი გზის“ შეხედულობა საღმრთო სჯულის სწავლების შესახებ, მართალია, მოდური შეხედულობაა, მაგრამ მოკლებულია საგნის ყოველმხრივ აწონდაწონვას და მიუდგომელად განხილვას. ეს შეხედულობა მეტად საბუთიანიც რომ იყოს, მისი განხორციელება ჩვენში აწინდელს ცხოვრებაში შეუძლებელიც არის და არა სასურველიც.“



მისაგაპავი მაგალითი.

ყველამ იცის, რომ არეულობის დროს ბევრი დაიხოცა; ჰკლავდნენ ხალხს და ამას არაყინ კითხულობდა, რა დანაშაული მიუძღოდა მოკლულს ან რა შეძლების იყო და რა საშუალებით უნდა ეცხოვრა მის უნუგეშოდ დარჩენილ ოჯახს. არეულობის მსხვერპლი ყველგან ბევრი იყო, მაგრამ პეტრაკოვის გუბერნიაში (პოლშაშია) არეულობის დროს მოკლულთა რიცხვი 16 ათასი ყოფილა და მათი დარჩენილი ოჯახების სულთა რაოდენობა 40 ათასი. ამ გვარათ დარჩენილა უპატრონოთ პატარა ბავშვები, ყველასგან მოკლებულნი მზრუნველობას, მფარველობას. ამ გუბერნიაში ყოფილა ერთი მემამულე ვალერიან ვალერიანის-ძე კახარინოვი, რომელსაც მიუქცევია ყურადღება ამ უპატრონოთ დარჩენილი ბავშვებისთვის და დაუარსებია მათთვის თავშესაფარი. თავშესაფარი მოუთავსებია თავის საკუთარ მამულში, რომელიც შეიცავს თურმე შენობებს, სადაც 29 ოთახია, და ეზოგარემოს. ეს მამული თურმე კახარინოვის ორი ათას მანეთს აძლევდა იჯარით გაცემული. თავშესაფარში ღღეს თურმე 45 ბავშვია; მათ ასაზრდოვებენ, უვლიან, ასწავლიან წერა-კითხვას და სხვა და სხვა ხელობას; კვირაში ერთჯერ მინავლა ექიმში და მღვდელი შესაფერი მოვალეობის ასასრულებლათ. თავშესაფარი ყოფილა გახსნილი წმიდა მოწამის ვერას სახელზე. კახარინოვი მდიდარი კაცი არ ყოფილა და ღღეს ხარჯების გასასწორებლათ თურმე საქირთა სხვისი დახმარება, რასაც უმორჩილესაჲ სთხოვენ მოწოდებით ყოველ თანამგრძნობ ადამიანს. განზრახვა ჰქონიათ, თუ საშუალება იშოვდეს, თავშესაფარი გაათავსოვნ, რადგან სხვა და სხვა გუბერნიიდან მისულა თხოვნები და გუბერნატორების უამდგომლობაც, რომ ეს და ეს უპატრონოთ დარჩენილი ბავშვები მიიღეთო, მაგრამ ასეთი თხოვნების დასაკმაყოფილებლათ კი არა იმ 45 ბავშვის ხარჯიც ამ ორ წელიწადში 8 ათას მანეთამდე ასულა. განზრახული ყოფილა, თუ საშუალება შეგროვდა შემოწირულებით, იქვე დააარსონ სახელოსნო სასწავლებელი, მანამდის კი სხვაგან გადაიყვანებენ ამგვარ სასწავლებლებში იმ ბავშვებს, რომელიც შეიქნება უკვე 16 წლისა. მართო კახარინოვის აღარ შეუძლია ქონებით გაუძღვეს და აწარმოოს ეს ფრიად სიმპატიური დაწესებულება და ამიტომ ღღეს საზოგადოებაზე არის დამოკიდებული ამ საქმის მომავალი. იმედი უნდა

ვიქონიოთ, რომ ბევრი აღმოჩნდება თანამგრძნობი და თავის წვლილს მიაწვდენს დანიშნულებისამებრ. მოწოდებაში ნაჩვენებია შემდეგი ადრესი: С. Петербургъ, Попечителю и оспователю Пріюта Св. Вѣры Валеріану Валеріановичу Казаринову, Моховая, 30.

კახარინოვის მაგალითს ვაქცევთ მკითხველის ყურადღებას, რადგან ეს მაგალითი ბევრნაირათ არის საყურადღებო. გარდა იმისა, რომ ქველმოქმედება პირველი ქრისტიანული საქმეა და მოვალეობა ყოველი ადამიანისა, კახარინოვის ისეთი საქმე დაუარსებია, რომ მასი შემწეობით ისეთი ახალგაზრდობა იშოვის სახლს და დაადგება წესიერ გზას, რომელიც უსაქმობისა გამო ხშირად ცხოვრებაში თვისდა დამოუკიდებლათ ხდება უაჩაღათ და სხვის მაწუხებელ კაცათ. სამწუხაროთ ჩვენში იშვიათია ქველმოქმედება, არა მისთვის რომ აქ სიღარიბე იყოს; ყველა რომ შეძლებისადაგვარ ქველმოქმედებდეს ქვაყანაზე გაჭირვებული აღარ იქნება. მოწყალეობა შეძლებაზე არ არის დამოკიდებული; ეს სახარებაშიც ცხადათ არის ახსნილი და ისტორიიდანაც მტკიცდება; ღღევანდელი მაგალითებიც ამასვე გვაჩვენებს.

ბ. ჯ.



პარკი უთავებელიება.

საჭიროება მქონდა, უნდა მენახა ყოვლად სამღვდელო ლეონიდი, რომელიც ამ დროებით ზუგდიდის მაზრაში დაბრძანდება ეკლესიებისა და სამწყსოს დასათვარიელებლად. გავიგე, რომ 26 აგვისტოს მათს მეუფეფეხებს სოფ. ობუჯში მოუხდებოდა მობრძანება და გავემგზავრე სენაკიდან მარტოდ-მარტო იმ მთა გორიანი ადგილებით, რომელთაც მაზრის თითქმის იარი მესამედი ადგილი უქირავეს. შორს მგზავრობა, ისიც უამხანაგოდ ხომ მოსაწყენი და დამლაღველია, მაგრამ ნუ იფიქრებთ, ან ერთი იგრძნოთ, ან მეორე მას შემდეგ, რაც ეკის (სოფელია) პირველ აღმართზე აბრძანდებით, საიდანაც, როგორც ხელის გულზე, დაინახავთ მთელს ზუგდიდის მაზრას... თქვენ წინ იშლება უშველებელი წიგნი, პოეზიით აღსავსე თხუზულება უზენაელის მხატვრისა, თავისი ფერად-ფერადი სურათებით. აკვირდებით, მკითხულობთ გზადაგზამ სწორ-

უბოვარ ქმნილებას და ქება-დიდებას ასხამთ მის შემქნელს-ზეციურ მეუფეს... და განა შეიძლება აქ მოწყენა იგრძნოს კაცმა? მოსაწყენი იქ არის, სადაც ერთ-ფერობა ვამეფებულა, სადაც სურათები არ იცვლებიან და წინ გიძევთ იგივეობა, რაც უკან დაგრჩენიათ და არა იქ, სადაც ყოველ ფხის ვადღმაზე სწორ-უბოვარ მხატვრობას შესტრფის და შეგზარის თქვენი სული და გული!... წინ ორმოციოდე ვერსი გასივლელი მედო, მაგრამ ეს გზა თითქმის შეუმჩნევლად, გავიარე და ავერ,—ჩუ!... მოისმა დაღ-ღული ზარის ხმა. ეს ნიშნავდა, რომ ყოვლად-სამღვდელო მოახლოვებოდა ეკკლესიას... ეკკლესიის ფართე ეზო ერთბაშად მოეკავებია ყოვლად-სამღვდელოს მომლოდინე საზოგადოებას და თვალ-ყური მიეპყრო იქით, საიდანაც მას მოელოდა... იწყობოდა პატარა ზარამაც და საზოგადოებამ ყური სცკვიტა — „რაზმი,“ — დაიძახა ვილაცამ და ორად გაიბო უცებ საზოგადოება ქიშკრიდან ეკკლესიის დასავლეთის კარებამდე და ჩამოვარდა სამარისებური სიჩუმე, რომელსაც მხოლოდ ხმა-შეწყობილი ზარების რეკვა არღვევდა... აი, ყოვლად-სამღვდელოც მობრძანდა ბლაღოჩინებით და სამღვდელოებით გარშემოხვეული... მცირე „შეგვიწყალენის“ შემდეგ, რომელიც გარდაიხანდა ახალ-გაზდა მღვდელმა, მეუფემა გამობრძანდა ამბიონზე და გაისმა სასოების აღმძვრელი ქადაგება ჩვენი დიდებული ოქროპირისა. — მომყავს **დაახლოვებით** თვით სიტყვაც.

„ქეშმარიტად ბედნიერად ჩავსთვლი ჩემს თავს, — ბრძანა ყოვლად-სამღვდელომ, — რომ ვიცოდე, რომ დარწმუნებული ვიყო იმაში, რომ ყოველ კვირა დღესასწაულ დღეებში ასე დიდ-ძალი საზოგადოება იყრის თავს ამ ღვთის სალოცავ სახლში და სიხარულით ვიტყვოდი: — ბედნიერი ვარ მე, რომ ამ ჩემს, ქრისტეს მიერ ბოძებულ სამწყსოში თვალსაჩინოდ ანათებს ლამპარი სარწმუნოებისა, მიუხედავად იმისა, რომ მტრებმა სარწმუნოებისამნ სულ სხვა აზრი, აზრი ღვთის უარყოფისა ჩასთესეს მორწმუნე ხალხის გულში!.. როგორ უნდა წარმოვიდგინო ის დრო, ის ეამი, როცა ეს მტერნი, მტერნი ხალხის კეთილ-ღღეობისა, რომელნიც სხვადასხვა სახით, სხვადასხვა აზრით და მიმართულებით გველინებოდათ თქვენ და თითქმის გავალბდნენ კიდევ უარ-გეყოთ ქრისტე, უარ-გეყოთ სჯუ-

ლი, სარწმუნოება? სარწმუნოება ქრისტესი, ეს ნათელი ცხოვრებისა, ლამპარი სხივ მომფინარე, არის ის გზის მაჩვენებელი ვარსკვლავი, რომლის გარეშე გონება უბნელდება ადამიანს, ჰკარგავს ღვთის მზავსებას, ეცემა ზნეობრივად, უბნელდება თვალები და ჰკარგავს ნიქს ავისა და კარგის გარჩევისას და მეტსაც ვიტყვი — დაემზავსება პირმეტყველი — პირუტყვის. სარწმუნოება აქვს ყოველ ხალხს. სადაც გინდ, წახვიდეთ, ვისთანაც გინდა მიხვიდეთ, გინდ შორს და ისე შორსაც-კი, სადაც არც-კი გგონიათ, არც-კი გჯერათ, რომ იქ რომელიმე სჯულს აღიარებდეს ხალხი, იქაც კი ნახავთ, რომ ხალხი სარწმუნოებრივი ფარ-ხელით არი შეიარაღებული... ვიცი, გეუბნებოდნენ, გარწმუნებდნენ, რომ განათლებულ ადამიანს არ ეჭირება სარწმუნოება, მისთვის მეტი ბარგია ქეშმარიტი სჯულის აღსარება და რატომ არ ჰკითხეთ მამინ მათ: — ვინ არის ის განათლებული ადამიანი რომელსაც სჯული არ ჰქონდეს, სარწმუნოება დაპარგოდესო? — ეს აზრი აკსებიდალ წინამდღეგია დალაგებული გონებისა, წრფელი წარმოდგენისა, — ვინაიდან, არ შეიძლება კაცი განათლებული იყოს და თან ურწმუნოც... მაგრამ ვატყუებდნენ, სარგებლობდნენ თქვენის გულ-მარტივობით და გაცდნდნენ, რაც, სამწუხაროდ, კიდევ გჯეროდათ თქვენა... სხვა რომ არა იყოს — რა, არ შეიძლება იმ ხალხს თავის წინაპრის შთამამავლობა ეწოდოს, რომელი ხალხიც უკუ-აგდებს, უარ-ჰყოფს თავას წინაპრის ანდერძეს... და არ შეიძლება უკეთესი ასოებით დაიწეროს რომელიმე ანდერძი, როგორცაა თქვენი მეზობელი ეკკლესია წილენჯიხისა. ეს უძვირფასესი სიძველე, ეს დაუფასებელი განძი, ეს ისტორიული ნაშთი თქვენი დიდებული წინაპრებისა ხმა-მალლა ჰლადადებს რამდენად მტკიცე ჰქონიათ მათ სარწმუნოება, რამდენათ ჰყვარებიათ ეკკლესიის გამშენება და რამდენად უღვაწიათ, რომ წაშლელი ასოებით დაწერილი სარწმუნოებრივი ანდერძი დაეტოვებიათ თავიანთ შთამამავლობისათვის. გარწმუნებთ, რომ თითქმის გარდა იმისა ეკლესია არ, კი იყოს მთელს მაზრაში, მარტო ის კმარა დასამტკიცებლათ თქვენი წიწაპრების სულის დიდებისა, საბუთად იმისა, რომ ნეტარ-ხსენებულებს აღმატებული წარმოდგენა ჰქონიათ უხენაესის მიძარბ. — ის უნდა ითვლებოდეს თქვენ სიამაყედ, ამ დიდების საფუძველში უნდა ჰკითხულობდეთ თქვენ

ანდერძს თქვენის წინაპრებისას, რომ ის სარწმუნოებრივი ძლიერება, რომლითაც ისინი ყოფილან აღკუთრდნენ, თქვენც მაგრად გეყრათ ხელში... და განა მართა ი? გან თქვენს ეკლესიაში არ მოიპოვება ასეთი ანდერძი? აი ეს მრავალწლოვანი პატიოსანი ჯვარი (ხატი) უფრო ძვირფასია, ვიდრე თვით ეს ეკლესია თავის კვლევითა. ვინ იცის, რამდენი საუკუნეების მოწმეა ის? ვინ იცის, როგორ უფლიდენ მას თქვენი წინაპრები მტრის შემოსევის დროს და კიდევ ვინ იცის, რამდენი ცრემლი, ცრემლი თქვენის წინაპრებისა დაღვრილა მის წინ საზოგადო და კერძო ვაკვირების დროს? ვინ იცის რამდენს ევედრებოდნენ თქვენი წინაპრები უფალს ამ ხატის წინაშე, რომ მტრის თავდასხმის დროს, მათ შერჩენოდნენ თავიანთი კერა, თავიანთი მიწა-წყალი... მერე ვინ შეიძინა ეს განძი, ვინ შეამკო ის უღრმესი სარწმუნოების გამოხატველი წარწერებით? — თქვენმა წინაპრებმა და თქვენ — შთამომავლობას გაანდერძათ, რომ თქვენც არ უღალატოთ მას და იწამოთ სჯული ქრისტესი, როგორც მათ თვითონ სწამებოდათ ის... ისტორიულად დამტკიცებულია. ნამდვილი საბუთებით დადასტურებულია, რომ ის ხალხი, რომელსაც უღალატნია წინაპრების ანდერძისათვის — დაუვიწყრია ქვეშაირი ღმერთი და წუთიერი კმაყოფილებისათვის, წარმავალი არარაობისათვის დაუმორჩილებია თავისი გონება, დაცემულა გონებით, ზნეობით და თვით ქონებრივთაც კი და ბოლოს მოვლენია მრავალგვარი ტანჯვანი, სასჯელნი და ზოგი თუ მთლად არ აღმოფხვრილა, ისევ ღვთის ცნობით წამომდგარა რავედენიმე საუკუნეების განმავლობაში... ყველა ეს გავალგებს თქვენ, ჰკითხოთ თქვენს თავს, რამდენ დ ძვირფასია, რამდენად გამომავალი ზღვრებელია გონებრივად, რამდენად აღმამაღლებელია ზნეობრივად და რამდენად განმამტკიცებელია სულიერად ის სარწმუნოება, რომელიც იღვენებოდა და, სამწუხაროდ, ახლაც განიცდის ამ მოვლენას და უფუქრებელ ხალხში და იმდენად მაგრად, იმდენად მტკიცედ ჩაქადათ მას ხელი, რამდენადაც ის აუცილებელია საჭირო არის ორთავ ცხოვრებისათვის.

დაბოლოს არ შემძლია არ მივაქციო თქვენი ყურადღება იმ ნაკლს თქვენი ეკლესიისას, რაც შემოსვლისთანავე თვალში ეცემა კაცს. კანკელი — მხატვრობა, რომლისთვისაც თქვენ სრულიად არ გიღვიწიათ, შეადგენს

ერთ მთავარ-ნაკლულევიანებათაგანს თქვენის ეკლესიისას, რაისათვისაც იმედნეული ვრჩები, რომ მოინდომებთ როგორც მამა-კაცები, აგრეთვე მანდილოსნებიც და შესაფერად შეამკობთ ამ ღვთის სალოცავ სახლს ხატებით. — შევსებოვ უზენაესს, რომ გარდმოგვეღწიოს თქვენ მადლი და კურთხევა უფლისა ჩვენისა იესო ქრისტესი. — ამინ.“

საზოგადოება მეტად კმაყოფილი დარჩა ყოვლად-სამღვდელოს მკვეთრი და უმაღლეს ხარისხამდე ასული ბუნებრივი მკვერ-მეტყველობით წარმოქმნილი სიტყვით და რამდენადაც შეიძლებოდა, გარეგანი შეხედულობით, ცნობა საზოგადოების სულიერი მდგომარეობისა, ზოგს აღტაცება ეტყობოდა სახეზე და ზოგს ჩაფიქრება. — დაბოლოს ხელზე იმთხვია ყოვლად-სამღვდელომ საზოგადოება და ლოცვა-კურთხევით გამოემშვიდობა.

ყოვლად-სამღვდელოს ახლავს ერთი ბლაღოჩინი, საეკლესიო საბუთების განმხილველი და კლინიკი — ასე, რომ მათი მეუფების მიღება არ უმძიმდება ღარიბსაც.

მათმა მეუფებამ სადილი მიირთვა მ. ბლაღოჩინ ევგენ შენგელიას სახლში და საღამოს ყულის-კარის ეკლესიის დასათვალიერებლად წაბრძანდა.

კ წუთისოფელი.

28 აგვისტო 1910 წ.



ვაი ჩვენ სირცხვილს!

„Земля наша велика и обильна, по порядка нѣтъ въ ней; приходите княжить надъ нами. ქუთაისში 50 ათასი მცხოვრები ირიცხება და ამოდენა ალბანიაში ქალაქის თავად გამოსადეგი კაცი ვერ გვიშოვნია. სირცხვილი და სიკვდილი ამას იქით წავა? ფოთში დეპუტაცია გაგზავნეს, იქნებ ბედმა გაგვიღიბოს და ნიკოლაძე დაგვთანხმდეს ქალაქის თაობაზეო, მაგრამ, ვაი სირცხვილო! მანაც უარი სთქვა და ამ ნაირათ ცეცხლზე წყალი დაგვესხა. ნუ თუ მართლა არ არის ჩვენში ისეთი კაცი, რომ ქალაქის თავად გამოდგეს? სწორეთ რომ არა. ბევრი გვყავს ნასწავლი, გამო-

კდილი, მაგრამ რაღაც უბედურებაა ეს ნასწავლობა და გამოცდილება თავისთვის აქვთ შენახული, თავის პირადი ანგარიშისთვის და არა საზოგადო საქმისთვის. ჩვენში თუ ვისმეს აინტერესებს საზოგადო საქმე, აინტერესებს იმდენად, რამდენადაც ეს პირადად მისთვისაა სასარგებლო ჩვენში არავის არ უნდა საზოგადო საქმისთვის თავი აიტკივოს, თუ ცოტა კი საშვალეობა აქვს კუჭი დაიკმაყოფილოს.

ჩემს შემდეგ ქვა ქვაზედაც აღარ დარჩენილაო“, „ჩემი ურგები ლუქმა ძაღლს და ქრთანი ქვასო“. აი ჩვენი მოწინავე (ნასწავლობით) თაობის პრინციპი და მისწრაფება! რომ ეს სენი არ გვეკრძალოს, ყოველ საზოგადო დაწესებულებაში ბლომათ გვეყოლება კანდიდატები აიღეთ მაგ. ვინც გინდათ: ჩვენი „პრისიანები“, დოქტორები და სხვა უმაღლეს სასწავლებლებში კურს დამთავრებულები. რით არ შეუძლიათ მათ ქალაქს მეთაურობა გაუწიონ, რომ მონღომა ჰქონდესთ, რომ საზოგადო საქმისთვის რამე შესჭირდეთ, რომ სამშობლო ქალაქისთვის გული შესტკიოდეთ, ან ცოტა თავმოყვარეობა ჰქონდესთ მაინც და სცხვენოდეთ, რომ ძველი რუსებივით დებუტატებს გზავნიან და მუხომოდრეკით ევედრებიან ვარაგების კნიაზებს: „Земля наша велика и обильна, но порядка нѣтъ въ ней приходите княжить подь нами!“? ნიკოლაძე თუ კაი კაცია და კაი გამგე, დაუმადლოთ ის, რაც გააკეთა და დაუფასოთ ის სადაც, მსახურებს; ფოთიც ჩვენია, ჩვენი ღვიძლი ძმა, რომლის დამკირება და წახდენა ისე უნდა გვაწუხებდეს, როგორც ჩვენი საკუთარი უბედურება. ფოთს კიდევ დიდხანს დასჭირდება კარგი ქალაქის თავი და თუ ნიკოლაძე კარგია, რა უფლებით ვართმევთ მას ფოთს. ან კიდევ ვსთქვათ, აღარ, გახლავთ ნიკოლაძე! ხუთუ აღარ გვეცხოვრება უმისოთ! რა ერაი ის ერი, რომელსა მთელი იმედი ერთ კაცზე აქვს დამყარებული?! რა ნასწავლო თაობაა ის თაობა, რომელიც თაობას ჩემობს და თავი შორის კაცს ვერ ჰპოებს, რომ ქალაქის თავად გამოდგეს, შეურაცხება ამაზე მეტი შეუძლებელია, თავის თავის დამკირება და შერცხვენა ამაზე შორს აღარ წავა! ამის შემდეგ აღარც ჩვენ დაგვრჩება

დიდი ხათრი ჩვენ სამღვდლოებაზე; აწი არც მანე ითქმის აუგი მით უფრო, რომ იგი სწავლა-განათლებით ოდნავაც ვერ შეედრება ჩვენ ქეთათურ მოწინავე (!) თაობას...



მცირე შენიშვნა, საღვთო სჯულის სწავლის შესახებ პირველდაწყებით სკოლებში.

ჩვენი საერო ქურნალ გაზეთებს ჩვეულებათ არ აქვთ საღვთო სჯულებზე ილაპარაკონ და თუ ხმა ამოიღეს, უთუოთ მათ საგინებელ-სალანძღავათ, მათ დასამკირებლად ამოიღებენ; ამიტომ ყოველი თბილი სიტყვა მათი საღვთისმეტყველო სჯულების შესახებ, უცხოთ მიგვაჩნია, მაგრამ მასთან გრძნობ, რომ მათ მათი მოვალეობა შეასრულეს. ადამიანს, რომ სულიერი მოთხოვნილება აქვს და ეს მოთხოვნილება ხანდისხან უფრო ძლიერია ხორციელზე, ამას ყოველი უსუსური გრძნობს და რა გასაკვირვალა, რომ საერო პრესამ ადამიანის ამ მხარეს ყურადღება მიაქციოს, ჩვენში მაინც, სადაც სასულიერო ქურნალ-გაზეთები ასე იშვიათია, საერო ქურნალ-გაზეთებს სასულიერო კითხვების შესამუშავებელი მთელი განყოფილება უნდა ჰქონდესთ, მაგრამ ეს ზნე აქნამდის არ სჭირვებია ჩვენ ქურნალ-გაზეთებს. მით უფრო გაგვიკვირდა და გავგეხარდა, როცა ქურნალ „განათლების“ ფურცლებზე შევხვდით ისეთ შენიშვნას, სადაც ავტორი იცავს საღვთო სჯულის სწავლებას პირველ დასაწყის სკოლებში.¹⁾

მაგრამ ჩვენ სიხარულს ცოტა ფრთები შეეკვეცა, როცა წაგიკითხეთ შემდეგი სიტყვები: „მართალია მეცნიერების შესწავლაც ხელს უწყობს ზნეობრივს აღზრდას...“, მაგრამ საღვთო სჯულიც ერთს საქირო საგანს წარმოადგენს ხალხის ზნეობის განსპეტაკების მხრით, თუ მისი სწავლებით არ ჩააგონებენ ხალხს ბატონყმურს მოთმინებას და ამა ქვეყნის ძლიერთა ბატონობას უფრო სუსტებზე...; არამედ გადასცემენ წმინდა ზნეობრივ მოძღვრებას, რომელსაც დღემდის შეუნახავს ქართველი ერი, ისტორიულს ქარცეცხლში გატარებული.“

აქედან გამოდის, რომ საღვთო სჯული
 1) იხ. ზემოთ გვ. II და ქვ.

მეცნიერებასთან ერთად ზნეობის მასწავლებელი უნდა იყოს ხალხისათვის, სამღვთო სჯული უნდა ისწავლებოდეს სკოლაში, როგორც ზნეობის გამასპეტაკებელი საგანი და სხვა არაფერი.

ვერ ვეთანხმებით ბ. კახაბერის ასეთ შეხედულებას სამღვთო სჯულზე და მის სწავლებაზე. სამღვთო სჯულის მიზანი მარტო ზნეობა არ არის და მისი შედარება მეცნიერებასთან, როგორც ზნეობის მასწავლებელსაგანთან, სათაკილოც არის საწყენიც და ნიადაგს მოკლებულიც. სამღვთო სჯულის სწავლების მიზანი უნდა იყოს და არის კიდევ ღმერთი და სასუფეველი ღვთისა, მომავალი ცხოვრება. სამღვთო სჯულმა უნდა გააცნოს მოსწავლეს ყოველივე ის, რაც თვით ღმერთმა განუცხადა ადამიანს თავის თავზე და მომავალ ცხოვრებაზე, უნდა შეაგნებოს მას მიზანი მისი არსებობისა, როგორც ღვთის სასუფეველის მემკვიდრისა. ეს შეგნება უნდა დაედოს საფუძვლად ზნეობრივ სწავლას, უამისოთ იმ ზნეობას, რომელსაც ქადაგებს სახარება ანუ სამღვთო სჯული, არ ექნება არავითარი ნიადაგი ადამიანის გულში, უამისოთ სამღვთო სჯული ერთ ზნეობრივ მცნებასაც ვერ მისცემს კაცს. მაგ. რა აზრი, რა მაიძულებელი ძალა აქვს მცნებას „გიყარდეს მოყვასი“, „გიყვარდეს მტერი“ „კეთილს უყოფდეთ მაკირვებელთა თქვენთა“, „მიაგეთ ბოროტისა წილკეთილი“, „მარჯვენს თუ გცემენ, მიაპყარ მარცხენაცო“ და სხვა ამგვარებს იმ დოღმატის გარეშე, რომელიც გვითითებს სასუფეველისაკენ. სუყველა ეს და ამის მსგავსი მცნებები მოთმინებას მოითხოვენ და განა შეიძლება მოითმინოს კაცმა, თუ ამ მოთმინების მიზანი, სასუფეველი, გათვალისწინებული არა აქვს? დოღმატიური მხარე სჯულისა ისეა დაკავშირებული ზნეობასთან, რომ თუ პირველი არ იქნა, მეორეც არ იქნება. მაშასადამე თუ სამღვთო-სჯულს, როგორც სასწავლო საგანს, გამოეცალა თავის დოღმატიური, არსებითი, მხარე, მაშინ იგი ზნეობის მასწავლებლათ აღარ გამოდგება.

უნდა ხაზგასმით აღვიაროთ, რომ სამღვთო-სჯულს პოლიტიკასთან საქმე არა აქვს, არც სულ ქვეყნიურ ცხოვრებასთან, ქვეყნიურ ცხოვრებას იგი უყურებს, როგორც გზას, რომელიც უნდა გაიაროს მოგზაურმა, რომ თავის მიზანს მიაღწიოს, ან უკეთ ვსთქვით სკოლას, რომელმაც უნდა აღზარდოს

ღვთის სასუფეველის მოქალაქენი. ამიტომ იგი არაფერ პოლიტიკურ მიზნისთვის არ გამოდგება. და თუ მას გზის ჩვენება დაუწყეს: ეს ასწავლე ამას, ნუ ასწავლი, ეს უთხარი ამას ნუ ეტყვი, ბატონობას მიაჩვიე, მოაჩილებას ნუ გაუმხელო, ეს იმას ნიშნავს, რომ იგი ისევ პოლიტიკის ყურმოჭრილი ყმაა; მან ის უნდა სთქვას და ის უნდა ასწავლოს, რაც შეფერის ადამიანის სულიერ ცხოვრებას.

ვერ ვეთანხმებით ბ. კახაბერს აგრეთვე იმაშიაც ვითომ მეცნიერებაც ზნეობრივად აღმზრდელი იყოს და სრულებით უარს ეყოფთ რაიმე მსგავსებას მეცნიერებისას სამღვთო სჯულთან ამ შემთხვევაში. მეცნიერება არაფერს არ ასწავლის ადამიანს ზნეობრივად და არც აქვს სახეში მისი ასეთი აღზრდა, იგი უჩვენებს უღმობელ ბუნების კანონებს, რომლების მოხმარა ასედაც შეიძლება და ისედაც, ავადაც და კარგადაც, სასარგებლოთაც და სავენებლოთაც. რომ მეცნიერების ნაპოვნი დასკვნები კაცმა სასარგებლოთ გამოიყენოს, იგი წინდაწინვე უნდა იყოს ზნეობრივად მომზადებული. როცა მეცნიერებამ ყუშმარა მოიგონა, სრულებითაც ამით არავითარი ზნეობა არ უსწავლებია კაცისათვის, მან მისცა მას მხოლოდ ყოველის შემშუსრავი ძალა და ერთი სიტყვაც არ უთხრობია იმის შესახებ თუ რისათვის მოიხმაროს იგი, გზის გასაყვანათ, თუ ადამიანთა გასაქლევათ; როცა მეცნიერებამ მატარებელი მოიგონა, მას სახეში არ ჰქონია, დაერიგებია ადამიანი, რისათვის უნდა გამოეყენებია იგი, ხალხის გადასაყვან გადმოსაყვანათ, საქირო და სასარგებლო ნაწარმოების გადასატან-გადმოსატანათ, თუ შეიარაღებული ჯარისა და თოფ-ზარბაზნების საზიდავთ მშვიდობიან მცხოვრებთა ბინების ასაოხრებლად და კოლშვილის ასაწიოკებლად. მეცნიერება ყრუა ზნეობისათვის, მეცნიერებამ ზნეობა არ იცის და ვერც ასწავლის, თვით იგი არც ზნიანია და არც უზნეო; ყველაფერი იმაზეა დამოკიდებული, თუ როგორ მოიხმარს ადამიანი მეცნიერებას და რომ უზნეოთ არ მოიხმაროს, ამიტომ საქიროა ადამიანი წინდაწინვე აღიქურვოს მაღალი ზნეობით, რასაც მხოლოდ სარწმუნოება იძლევა.

ხელი.



რედაქტორი. მღვდელი სიმონ მჭედლიძე
გამომცემელი იოსებ ლეუვა.

Электротпечатная Типография. Иванъ Давидовичъ Киладзе въ Кутаисѣ.